



Universitätsbibliothek Paderborn

Nucleus Practici Tractatus, De Legibus

Marchius, Ewald

Coloniæ Agrippinæ, 1660 [erschienen] 1661

Cap. XXVIII. De Consuetudine, quid sit consuetudo, quæ ad eam introducendam requirantur, & quos habeat effectus.

urn:nbn:de:hbz:466:1-42256

Obreptio, id est, narratio subdola, que fit non
expressio omni eo, quod exprimi debuit, &
tacito eo. quod alioquin difficultorem red-
deret dispensationem: nam taliter obtenta
dispensatio, invalida erit. Sylvester verbo Dis-
pensatio, & confirmat ex cap. 2. de Filiis Pre-
byt. in 6. De his etiam vide Azorium part. I.
Instit. moral lib. 5. cap. 24. & P. Reginaldum
in praxi lib. 13. tom. I. cap. 19. sect. 2. & 3. num.
197.

C A P U T XXVIII.

De Consuetudine.

*Quid sit Consuetudo? Quae ad eam introdu-
cendam requirantur? Et quot habeant
effetus.*

Notandum: Consuetudinem duobus
modis sumi. Primo: pro ipso usu, & fre-
quentibus moribus, seu actibus alicuius
Communitatis, aut populi, & ita dicitur esse
facti; vel pro ipso Jure, quod ex his oritur.
Hoc modo sumptam, definit eam S. Isidorus,
*quod si jus quoddam moribus institutum, quod
pro Lege suscipitur, cum deficit Lex.*

Igitur ad consuetudinem introducendam
requiruntur in primis, diuturnitas temporis,
& actuum frequentia. Nam, licet consuetudo
inchoari possit, ab aliquo actu insigni, quem
caeteri postmodum imitentur: tamen, non

nisi pluribus induci potest, ut constat ex definitionibus ejus, exigentibus mores, & actus frequentes. Usus enim est actus repetitus, & quidem interpolate, Bartol. in lib. de quibus D. De LL. Et ideo non sufficit, unicus actus, licet notus sit toti populo, vel collegio: nisi esset successivus, & haberet continuationem temporis, intra quod introducitur Consuetudo, text: singul: in ea. cum de beneficio, de Præbendis in 6. vel nisi esset Judiciarius talis, ex quo tanquam Notorio detegeretur consensus populi.

Quantum vero ad actus, ex quibus Consuetudo inducitur, attinet, ij debent esse uniformes, l. Nemo § Temporalis, D. de Reg. Juris, quia ex actibus, qui diffimeriter successerunt, remanet dubium, quid populus servare voluerit: cum tamen sicut Lex: ita & consuetudo debeat esse clara & certa, non autem obscura & dubia: Hostien: h. t. §. fin. Surd. Cons. 393. n. 23. Et ideo Consuetudo, quæ non fuit uniformis, non attenditur. Surd. Cons. 449. n. 7. ubi plures citat. Similiter, nec ex controversia, aut turbidis actibus. Farinac 1, parte decif. 56. n. 13. & 16. vel his qui à mera facultate, vel ex tolerantia procedant, inducitur. Farinac d. decif. 112. quia multa per patientiam tolerantur, quæ, si in judicium deduc-

ducantur, exigente justitia tolerari non debent.c. Cum jam dudum x de præbēdis Debent quoque actus esse usitati publice, presentibus & scientibus multis personis, ut inde dici possit , intervenisse tacitus majoris partis populi consensus. Azor:in Sum: eod: quæ sit longa con: Farina: i p. Decis. 155. n. 4, & 2. p. d'ecis: 318. n. 5. Imo, debent actus isti fieri animo inducendi consuetudinem. Can: Consuetudo Dist. 1.

Secundo requiritur, ut sit rationabilis, ut patet tum ex cap. ult. h. t. ubi, cum id decisum exister , nec reperiatur Jus civile in contrarium, servari in utroque foro debet; tum ex eo, quod vim L E G I S habere debeat, & pro L E G E scriptâ, cum ea deficit, suscipi; atque ratio est anima L E G I S, ut colligitur ex lib. scire L E G E S. D. De LL. ideoque consuetudo; quæ est contra rationem aut veritatem, seu contra Jus naturale, vel divinum, vel bonus mores, nullius est momenti. Can: veritate, cum aliquod seqq. dist. 8: & corruptela dicitur can: Mala ibid. Et quidem tanto perniciosior, quo diutius durat arg: cap. ult. eod. tit. Erit autem rationabilis, si habeat conditio- nes L E G I S enumeratas, partim in can: Consuetudo dist. 1. partim in can. Erit autem L E X dist. 4. Quandoquidem, L E G I S au-

& oritatem habere debeat, ut tamen LEX justa & rationabilis sit, & consequenter consuetudo, sufficit, quod talis sit ut in pluribus, licet non sit talis in singulis. Præsumitur autem rationabilis, si tantum temporis sit, ut ejus initij non extet memoria.

Tertio requiritur scientia Principis, ubi populus Principem Superiorem habet, & ejus saltem tacitus consensus. Scientiam quidem, quia aliter nec adesse, nec præsumi potest tacitus Principis consensus, quam si usus ei sit manifestus.

Ut autem, non est de essentia LEGIS, quod sit scripta, quandoquidem, causa obligationis LEGIS, sit Potestas Principis, explicata & applicata per voluntatem ejus, aliquo signo externo, sufficienter expressam, ad quod nullo modo est opus scriptura: ita nec est de substantia seu essentia consuetudinis, quod sit scripta; non solum, postquam est introducta, sed nec, quo ad ejus introductio-

nem.

Quantum ad effectum consuetudinis, in genere spectat, ea est stricti Juris, & servanda solum in suis terminis, neque extenditur de casu ad casum. Surd. Conf. 407. n. 3. Nec de persona ad personam. Idem Conf. 371. n. 4. Nec de loco ad locum. Idem conf. 323. n. 13.

Fa-

Facit licitum, quoad forum fori, quod illas, esset illicitum, quoad evitandam pœnam temporalem. Surd. Conf. 327 n. 51 Tribuit jurisdictionem non habenti. c. Cum contingat de foro competenti can. Conclusus IX. q. 3 Attenditur autem ea, quæ viget in locis vicinis, quando deest propria. Surd. conf. 311 n. 16. Similiter attenditur ea, quæ est ultima item ea, quæ est favorabilior. Surd. Conf. 448.

Consuetudinis; quæ est præter LEGEM effectus est, constituere Jus novum, ubi deficit Lex, can. Consuetudo dist. i. obligatque non minus in conscientia, ad sui observacionem, quam Lex scripta.

Consuetudinis, quæ est secundum LEGEM effectus est, non Jus novum constituere; sed Jus dubium interpretari.

Consuetudinis contra LEGEM effectus est, tollere LEGEM humanam, seu civilem, sive canonicam, modo iusta & ratiabilis sit.

Tollit autem generaliter, si generalis sit si vero sit specialis, abrogat specialiter in illo loco, in quo introducta est & viget.

An autem Consuetudo, contraria LEGI vel statuto, probetur per simplicem obseruantiam, an vero demonstrari debeat, quod

in contradictrio Judicio , fuerit obtenta,
quæri potest. Posterior tenet Surd. cons. 393.
n.25.per l. De quibus in verbis, in omnibus D.
de LL. & alios quos citat.

C A P I T XXIX.

An Consuetudo possit inducere aliquam LEGEM contra Ius divinum, vel naturæ? Et an LEGES humana, Ecclesiastica, &c. Cives, per eam possint abrogari.

DICO primo. Consuetudo vel dissuetudo non potest inducere aliquam LEGEM, contra Jus naturæ, vel contra Jus divinum positivum, neque illud immutare, sive abolere. Ita D. Thomas hic q.97.art.3.ad 1. Et rationem reddit, quia, istæ LEGES, à divina procedunt auctoritate & voluntate, contra quam nihil valet consuetudo ab humana voluntate procedens: quia duæ possunt concipi viæ, seu modi, quibus consuetudo prævaleat contra LEGEM aliquam, nimurum per conniventiam Legislatoris, & per præscriptionem etiam, absque tali conniventia. Obtinet autem consuetudo per conniventiam quando Legislator illam tolerat, sciens & volens, nec punit Transgressores LEGIS, quos facile corrigere & punire posset. Præscriptionis autem viâ, prævalere etiam aliquis, propriæ censetur, quando etiam, reniente